

## Maqaalee Rabbii (Subhaanahu)-Kutaa 7.3

### Description

#### B-Sifaata maqaaleen Al-Maalik, Malik fi Al-Maliik of keessatti qabatan

##### Uumuun, ajajuun, mindaa fi adabbiin amaloota mootiif barbaachisaniidha

Imaamu ibn Al-Qayyim ni jedha,  $\text{â€œ}$ Maqaa Mootii jedhuuf haqa isaa yoo kenniteef, uumuun, ajajuun, mindaa kennuu fi adabbiin, waa kennuu fi dhoowwachuun amala mootiif barbaachisaa akka taâ€™an ni beekta. Amalli mootii kana waan barbaachisuf, kuni wanta hin hafneedha. (Mootii yommuu jedhamu wanti sammuu namaa keessatti dhufu, Aangoo olâ€™aanaa kan qabu, ajaju, dhoowwu, mindaa kennu (badhaasu), adabuudha.) Mootii irraa amaloota kanniin haaqun dhimma hin dandaâ€™amneedha. Mootiin haqaa Ergamtoota erguu, kitaabban buusu, gabroota ajajuu, isaan dhoowwu, mindaa isaaniif kennuu, adabuu, nama kabajni isaaf malu kabajuu, nama salphinni isaaf malu salphisuu barbaachisa. $\text{â€œ}$  [1]

Asitti wanti hubatamu qabu, wantoota hundaa Kan harka qabuu fi addunyaa guutuu kan bulchu Rabbiin erga taâ€™ee, Kan uumuu, ajajuu fi dhoowwu, mindaa kennuu fi adabuu, waa kennuu fi dhoowwatu Isaa jechuudha. Mootiin Kan ajajuu fi dhoowwu erga taâ€™ee warri isa jalatti bulan ajaja isaatiif buluu qabuu miti ree?

Akkuma armaan olitti hubannu Mootiin kan uumuu, ajajuu, dhoowwu, mindaa kennuu fi adabu erga taâ€™ee, Rabbiin Mootii haqaa waan taâ€™eeef uumamtoota kanniin osoo hin ajajinii fi hin dhoowwin, osoo mindaa hin kenninii fi hin adabin akkanumatti ni dhiisaa? Ajajuu fi dhoowwuuf Ergamtoota erguu fi kitaabban buusu barbaachisa. Mindaa kennuu fi adabuuf immoo Guyyaan Qiyaamaa ni barbaachisa. Kanaafu, namni  $\text{â€œ}$ Rabbitiin Ergamtoota erguu fi kitaabban buusun gabroota hin ajaju, hin dhoowwu. Guyyaan Qiyaamaa dhaabun mindaa hin kennu, hin adabuâ€¢ jedhu dhugumatti, kabaja dhugaa Rabbitiin hin kabajne. Akkuma Rabbitiin jedhe,


**﴿وَمَا قَدَرُوا اللَّهَ حَقَّ قَدْرِهِ إِذْ قَالُوا مَا أَنْزَلَ اللَّهُ عَلَىٰ بَشَرٍ مِّنْ شَيْءٍ﴾**

$\text{â€œ}$ Rabbitiin homaayyu nama irratti hin buusne yommuu jedhan kabaja Isaaf malu hin kabajne. $\text{â€œ}$  Suuratu Al-Anâ€™aam 6:91

Namni shariâ€™aa Rabbitiin, ajaja fi dhoowwaa Isaa mormee fi ilma namaa akka horii dhiifamanii godhee, mootummaa Rabbitiin keessatti waan badaa dubbate, Kabaja Isaaf malu hin kabajne.

Haaluma kanaan, Rabbitiin subhaanahu wa taâ€™aalaa Gabbaramaa (Ilaah) haqaa taâ€™uuun Zaatni, sifaanni fi maqaaleen Isaa guutuu taâ€™uu fi hojiin Isaa haala guutuu taâ€™een argamuu barbaachisa. Akkuma Zaatni Isaa haqa taâ€™ee, jechi Isaa haqa, waadaan Isaa haqa, ajajni Isaa haqa, hojiin Isaa hundi haqa, jazaan Guyyaan Murtii kennuus haqa. Namni kanniin keessaa tokko fudhachuu dide fi morme,

Rabbiin gara hundaan haqa taâ€™uu isaa hin ibsine. Rabbiin haqa taâ€™uun Isaa shariâ€™aa (seera Islaamaa) kaaâ€™u, mindaa kennuu fi adabuu barbaachisa. Akkamitti Mootiin Haqaa uumamtoota osoo hin ajajin, hin dhoowwin, mindaa hin kenniini fi hin adabin taphaaf ni uuma jedhamee yaaddamaa? Akkuma Rabbiin oltaâ€™aan jedhe,



â€œSila namni akkanumatti dhiifamu yaadaa?â€ Suuratu Al-Qiyaamaa 75:36

Aaya tana ilaachise Imaamu Shaafiâ€™iin ni jedha, â€œ**kan hin ajajamnee fi hin dhoowwamne taâ€™ee akkanumatti dhiifamaa?**â€ Isaan ala aalimni biraas ni jedha, â€œewanta gaarii fi badaa hojjateef osoo mindaa hin argatinii fi hin adabamin akkanumatti dhiifamaa?â€ Himoonni lamaan kunniin akka sansalataa kanneen wal qabataniidha. Shafiâ€™iin sababa jazaatti nama geessu dubbate. Innis ajajuu fi dhoowwudha. Kan lammataa immoo kaayyoo olâ€™aanaa namoota itti ajajuu fi dhoowwu dubbate. Innis, mindaa kennuu fi adabuudha.

Ergasii jecha Rabbii oltaâ€™aa kan itti aane dhufe itti xinxalli:â€œSila inni maniyyii dhangalaafamu irraa copha bishaan saalaa hin teree? Ergasii dhiiga ititaa taâ€™e. [Rabbiinis nama godhee] isa umee guutee.â€ Suuratu Al-Qiyaamaa 75:37-38

*Inni cophaa bishaani taâ€™ee osoo jiru kan isa hin dhiifne akkamitti nama guutuu erga taâ€™e booda isa dhiisaa?* Copha bishaanii kana hanga dhiiga ititaa taâ€™uutti ni jijire. Ammas, dhiiga ititaa kana hanga muraa foonii taâ€™uutti ni jijire. Ammas muraa foonii kana hanga nama guutuu taâ€™uutti bocaa fi suuraa isaa sirreesse nama guutuu taasise. Hanga nama guutuu taâ€™uutti marsaa hunda keessatti ogummaa Isaatiin isa umee. Kanaafu, marsaa uumamaa kana hunda keessatti kan isa hin dhiifne, akkamitti gara kaayyoo olâ€™aanatti osoo isaan hin oofin akkanumatti dhiisaa?

Namni qaruuteen haala copha bishaan saalaa jalqaba irraa kaasee hanga nama guutuu taâ€™uutti yoo sirritti itti xinxalle, kuni lamuu kaafamuun akka jiruu isatti agarsiisa.[\[2\]](#)

## C-Ibsa Aayaata Mulk, Malik, Maalik fi Maliik of keessaa qabaniî€kutaa 1

اللَّهُمَّ مَلِكَ الْمُلْكِ تُؤْتِي الْمُلْكَ مَنْ تَشَاءُ وَتَنْزِعُ الْمُلْكَ مِمَّنْ تَشَاءُ وَتُعِزُّ مَنْ تَشَاءُ  
مَنْ تَشَاءُ بِيَدِكَ الْحُكْمُ إِنَّكَ عَلَى كُلِّ شَيْءٍ قَدِيرٌ ① تُولِجُ الْلَّيلَ فِي النَّهَارِ وَتُولِجُ النَّهَارَ فِي  
الْخَرْجِ الْحَيِّ مِنَ الْمَيِّتِ وَتُخْرِجُ الْمَيِّتَ مِنَ الْحَيِّ وَتَرْزُقُ مَنْ تَشَاءُ بِغَيْرِ حِسَابٍ ②

â€œJedhi, â€˜Yaa Rabbii Abbaa mootummaa kan taate! Nama feetef mootummaa kennita, nama feete irraas mootummaa ni mulqita. Nama feete ni jabeessita, nama feete immoo ni xiqqeesita, kheeyrin harka Kee jira. Dhugumatti, Ati waan hundaa irratti Dandaâ€™aadha. Guyyaa keessa

**halkan seesifta, guyyaas halkan keessa seesifta. Jiraataa duâ€™aa keessaa baasta, duâ€™aas jiraataa keessaa baasta. Nama feete herreega (hisaaba) malee razzaqxa (soorata kennitaaf).**â€ (Suuratu Aali-Imraan 3:26-27)

â€œ**Yaa Rabbii Abbaa mootummaa kan taate!**â€ Kana jechuun bulchiinsi, aangoon, tooâ€™annaan hundi Keeti. Waan hundaa kan dhuunfatu Sihi. Waan hundaa kan harka qabu, tooâ€™atu, bulchu, wanta fedhe hojjatu Rabbiin qofa. Ergasii Rabbiin oltaâ€™aan hojii mootummaa Isaa keessatti hojjatu muraasa isaanii ni ibse: â€œ**Nama feetef mootummaa kennita**â€ Nama feetef aangoo fi taaytaa kennita, nama feete irraa immoo ni mulqita (ni fudhatta). Mootummaa kennuu fi mulquun fedhii fi ogummaa Rabbii hordofa. Garuu kuni sababoota mootumman akka turuu ykn mulqamu taasisaniin wal hin faallessu. Mootummaa kennuu fi mulquun sababa waliin kan walitti hidhameedha. Sababoota mootummaan (aangoo fi bulchiinsi) akka argamu taasisan keessaa: iimaana, hojii gaggaarii, meeshaa waraanaa hanga dandaâ€™an qopheessu, obsaa fi wal jidduutti wal mormuu dhiisudha. Rabbiin warroota dhugaan amananii fi hojii gaggaarii hojjatan dachii keessatti bakka isaan buusun aangoo fi bulchiinsa akka isaanif kenu waadaa galee jira. (Ilaali suuratu an-Nuur 24:55) (Akkuma waadaa galee sahabota Nabiyyitiif (SAW) aangoo fi bulchiinsa guddaa kennef.) Akkasumas, sababni guddaan mootummaan akka namarrea mulqamu taasisu: amanti hordofuu dhiisu, addaan bittinaâ€™udha. Seenaa keessatti sababa kufaati mootummaa Islaamaa yoo qoratte sababni guddaan amanti dhiisu fi addaan bittinaâ€™u akka taâ€™an ni argita. [3]

â€œ**Nama feete ni jabeessita, nama feete immoo ni xiqqeessita**â€ Asitti jabeessu jechuun jabaa fi humna cimaa kan qabu gochuu, namoota biroo kan injifatu gochuudha. Rabbiin nama fedhe iimaanan, beekumsaa isaatiin isa jabeessa, osoo namni kuni mooti taâ€™uu baateyyu. Yookiin immoo aangoon isa jabeessu dandaâ€™a. Haaluma kanaan, namni badii hojjachuun ykn injifatamuun isa xiqqeessu dandaâ€™a. Kanaafu, sababoota jabeenya itti argatan keessaa: iimaana, hojii gaggaarii, yoo lolaaf qophaaâ€™an wanta barbaachisu sirritti qopheessu, ijjanno, fedhii cimaa fi kkf.

Sababoota xiqqenya fi salphinnaa keessaa: badii hojjachuun, namni of dinqisiifachuun, wanta ofirraa ittisu hin dandeenyef of saaxilu. Hadiisa keessatti wantiakkana jedhu dhufee jira: â€œ**Muâ€™minni of salphisuun isaaf hin malu.**â€ Namoonnis ni jedhan, â€œAkkamitti nafsee ofii salphisaa?â€ Ni jedhe, â€œ**Balaa baadhachuu hin dandeenyef of saaxila**â€ At-Tirmizii-2254[4]

Namni akkuma iimaanni isaa dabaluu fi hojii gaggaarii hojjatuun keessa isaatti jabeenya argata. Faalla kanaa, akkuma badii hojjatuun keessa isaatti xiqqeniyi fi salphinni itti dhagahama. Ija namootaa keessatti xiqqaa taâ€™e mulâ€™ata.

â€œ**kheeyrin harka Kee jira.**â€ kheeyri jechuun wanta gaarii hunda addunyaa fi Aakhiratti namaaf faaydaa fi fooyyaâ€™iinsa buusudha. Sooranni, fayyaan, beekumsi, hojiin gaggaariin kheeyri (wanta gaggaariidha). Kuni hundi harka Rabbii keessa jira. â€œ**Dhugumatti, Ati waan hundaa irratti Dandaâ€™aadha**â€ Dandeettin Isaa guutuu taâ€™uu wantoota agarsiisan keessaa: mootummaa kennu fi mulquu, jabeessu fi xiqqeessu. Kuni dhimmoota jajjaboo eenyullee hin dandeenyedha, waan hundaa irratti Dandaâ€™aa kan taâ€™e malee. Ammas, Dandeettin Isaa guutuu taâ€™u wantoota agarsiisan keessaa: Guyyaa keessa halkan seesisuu fi halkan keessa guyyaa seesisuuudha.

â€œGuyyaa keessa halkan seensisuuâ€ jechuun halkan guyyatti seensisuuun dheerinna halkanii dabaluudha. Dheerinna guyyaa immoo hirâ€™isuudha. Faallaa kanaa, guyyaanis halkanitti seenun guyyaan ni dheerata, halkan immoo ni gabaabbata.[\[5\]](#) Kuni biyya keenya keessatti hangas mara namoonni hin beekan. Sababni isaas, Itiyoopiyan handhuura lafaatti dhiyoo waan taateef, waggaa guutuu dheerinna halkanii fi guyyaa walitti dhiyoodha. Garuu akkuma handhuura lafaa irraa fagaataniin dheerinna guyyaa fi halkanii garagara. Fakkeenyaf, biyya Turkii keessatti yeroo gannaan dheerinna halkanii kan guyyaa caalaa. Yeroo aduun Saâ€™aati 1:00tti baate saâ€™aati 11:00 tti dhiitu jira. Faallaa kanaa, yeroo bonaa guyyaan ni dheerata. Yeroo aduun subii saâ€™aati 11:00 baate galgala saâ€™aati 2:00 itti dhiitu jira. Kanaafu, kuni akkamitti halkanii fi guyyaa wal keessa seensisuu nutti agarsiisa.

Hojiiwwan kana hunda Rabbiin malee eenyullee hojjachuu hin dandaâ€™u. Rabbiin ala eenyetu guyyaatti saâ€™aati lama dabaluun guyyaa dheeressuu fi halkan gabaabsu dandaâ€™aa? Isatu halkan guyyaa keessa seensisaa, guyyaas halkan keessa seensisaa. Kana waliinu seensisuu kuni hojii ogummaa fi sadarka sadarkaan raawwatamuudha. Hanga dhumarra gahuutti suuta suutaan seensisuu jalqaba. Ergasii dhumarra erga gahee deebiâ€™u jalqaba. Guyyaa fi halkan wal keessa seensisuu kanarraa waqtileen ni dhalatu.

â€œJiraataa duâ€™aa keessaa baastaâ€ kan akka, killee keessaa caacuti baasta, sanyii duâ€™aa keessaa biqiltuu jirtuu, kaafira keessaa muâ€™imina baasta. â€œduâ€™aas jiraataa keessaa baastaâ€ Kan akka allaatti keessaa killee baasu, muka keessaa sanyii baasu, muâ€™imina keessaa kaafira baasu. â€œJirenyâ€ bakka sadiitti qoonne ilaaluu dandeenyaa: **1ffaa-** wanta lubbuu qabuu fi fedhii ofiitin sochoâ€™u. Fkn, kan akka nاما, horii fi kkf. **2ffaaâ€** jirenya biqiltoota- biqiltoonnis jirenya akka qaban saayinsin yeroo ammaa ni dhugoomsa. Kanaafi, Qurâ€™aana keessatti, duâ€™aan booda kaafamuun akka jiru amansiisuuuf dachii gogdu biqiltootaan jiraachisuu irra deddeebiâ€™e dubbata. â€œBiqiltoota duâ€™an lamuu jiraachisuu kan dandaâ€™e namoota duâ€™aniis lamuu jiraachisuu irratti dandaâ€™adha. Sanyi gogduu keessaa biqiltu jiit jirenya qabdu kan baase, lafe gogdu keessaa nama baasu ni dadhabaa?â€ **3ffaa-** Jirenya qalbi- qalbiin nاما iimaanan ni jiraatti, kufriin immoo ni duuti.[\[6\]](#) Muâ€™iminni nama qalbiin isaa jiraattu taatedha. Kaafirri immoo nama qalbiin isaa duutedha. Kanaafu, muâ€™minaan jiraataa, kaafiraan duâ€™aa jechuuni dandeenyaa.

â€œNama feete herreega (hisaaba) malee razzaqxa (soorata kennitaaf).â€ Nama feetef qabeenya hisaaba malee kennitaaf. â€œhisaaba (herreega) maleeâ€ jechuun kafalti tokko malee. Sababni isaas, herreegni kan taâ€™u wanta kafaltiin itti taâ€™uufi. Kafaltii kan hin barbaanne, hin herreegu. Garuu kafaltii kan barbaadu, hanga wanti inni fudhate kan inni kenneen wal gituu ykn wal gituu dhiisu isaa beekuf ni herreega. Qananii meeqa Rabbiin narratti oole. Kafalti tokko malee qananii baayâ€™ee narratti dhangalaasa.

Rizqiin Rabbii oltaâ€™aa gosa lama akka taâ€™e beeki. Isaanis, rizqii qaamni ittiin dhaabbatu fi rizqii qalbi fi ruuhin ittiin dhaabbataniidha. Rizqiin gosa jalqaba muâ€™minaan fi kaafira, nama badaa fi gaarii of keessatti hammata. Inuma bineensota fi beelladotas of keessatti hammata. Kuni rizqii nyaataa fi dhugaatii qaamni ittiin dhaabbatudha.

Rizqiin lamaffaa immoo rizqii qalbi fi ruuhin ittiin dhaabbatan yommuu taâ€™u, warra iimaana qaban qofaaf kan taâ€™uudha. Kuni iimaana, beekumsaa fi hojii gaggaariidha. Barbaachisummaan iimaanni fi beekumsi qalbiif qabu akka barbaachisummaa bishaan mukaaf qabuuti.[\[7\]](#) Akkuma mukni bishaan malee

---

guddachuu fi dagaagu hin dandeenye, qalbiinis iimaanaa fi beekumsa malee qulqullaaâ€™u fi fayyaa argachuu hin dandeessu.

### Guduunfaa

â˜žMootiin kan umu, ajaju, dhoowwu, mindaa kenu fi adabuudha. Kunniin amaloota mootiiti. â˜žRabbiin Mootii haqaa waan taâ€™eeef uumamtoota taphaaf hin uumne. Ergamtoota erguu fi kitaabban buusun isaan ni ajaja, ni dhoowwa. Dhumarratti immoo Guyyaa Qiyaamaa isaan kaasun nama Isaaf ajajame mindaa kennaaf, nama Isa dide immoo ni adaba. â˜žRabbiin Mootii samii fi dachii erga taâ€™ee wantoonni Isaa gadi jiran hundi gabroota Isaati. Kanaafu, namoonni gabroota Isaa waan taâ€™aniif Mootii Haqaa isaaniitiif ajajamu qabu. Kuni wanta gabricha irraa eeggamu miti ree? Dirqamni gabricha irra jiru Mootiif ajajamuudha. Wanta Inni ajaju hojjachuu fi wanta Inni dhoowwe dhiisudha. â˜žNamni Mootii isa uumeef yoo ajajame, kabajaa fi jabeenya argata. Yoo dide immoo salphinnaa fi xiqqueenya argata. â˜žRabbiin Mootii Haqaa waan taâ€™eeef nama Isaaf ajajame ni kabaja, ni jabeessa. Nama isa dide immoo ni salphissa. Ajajuu fi dhoowwun, mindaa kenu fi adabuun, kabajuu fi salphisuun amaloota mootii waan taâ€™aniif. â˜ž Kanaafu, namni jabeenya fi kabaja barbaadu Rabbii oltaâ€™aaf haa ajajamu. Yeroo hundaa tawbachuu fi araarama kadhachuuun salphinnaa irraa haa fagaatu.

---

### Kitaabban wabii

- [1] Sharih Ibn Al-Qayyim li asmaâ€™il husnaa-fuula 48, Umar Ashqaar
- [2] Madda olii fuula 50-51
- [3] Tafsiir ibn Kasiir (English)-2/139 (836), Tafsiiru Saâ€™dii-131-132
- [4] [Tafsiiru Qurâ€™aanil Kariim- suuratu Aali-Imraan](#) 1/157-158, Muhammad bin Salih Useymiin
- [5] Madda olii
- [6] Maâ€™aarij Tafakkuri wa daqaaâ€™iqu tadabbur-6/541
- [7] Tafsiiru Qurâ€™aanil Kariim- suuratu Aali-Imraan 1/165-166

### Date Created

October 2, 2019

### Author

admin